

<b>Adroddiad ar gyfer</b>	Y Cyngor
<b>Dyddiad y cyfarfod</b>	22 Chwefror 2022
<b>Aelod / Swyddog Arweiniol</b>	Y Cynghorydd Bobby Feeley / y Cynghorydd Huw Hilditch-Roberts / Ann Lloyd / Rhian Morrle
<b>Awdur yr adroddiad</b>	Ann Lloyd
<b>Teitl</b>	Asesiad Rhanbarthol o Anghenion y Boblogaeth 2022

## 1. Am beth mae'r adroddiad yn sôn?

- 1.1. Mae Asesiad o Anghenion y Boblogaeth (AAB) Rhanbarth Gogledd Cymru 2022, yn ofynnol dan Ddeddf Gwasanaethau Cymdeithasol a Llesiant (Cymru) 2014 a'r Rheoliadau Gofal a Chymorth (Cynllunio Ardal) (Cymru).
- 1.2. Cyhoeddwyd yr Asesiad cyntaf o Anghenion y Boblogaeth yn 2017 ac mae wedi ei ddefnyddio fel sail ar gyfer y ddogfen newydd hon.

## 2. Beth yw'r rheswm dros lunio'r adroddiad hwn?

- 2.1. Y mae angen gwneud penderfyniad ynglŷn â chymeradwyo Asesiad o Anghenion y Boblogaeth Rhanbarth Gogledd Cymru.

## 3. Beth yw'r argymhellion?

- 3.1 Bod y Cyngor Llawn yn cymeradwyo Asesiad o Anghenion Poblogaeth Gogledd Cymru 2022.

## 4. Manylion yr adroddiad

- 4.1. Y mae AAB Gogledd Cymru (Atodiad 1) yn waith ar y cyd gan y chwe Awdurdod Lleol, BIPBC ac Iechyd Cyhoeddus Cymru. Nod yr AAB yw ceisio gwella ein dealltwriaeth o'r boblogaeth ledled gogledd Cymru a sut y bydd anghenion y boblogaeth yn addasu ac yn newid dros y blynyddoedd nesaf.

- 4.2. Bydd yr AAB yn:- nodi anghenion gofal a chymorth ledled gogledd Cymru; yn nodi'r gwasanaethau sydd ar gael i fodloni'r anghenion hynny; ac yn nodi unrhyw fylchau / anghenion nas diwallwyd a'r camau i'w cymryd.
- 4.3. Nid yw ychydig o'r data a ddefnyddiwyd i roi gwybodaeth i'r AAB bellach yn gyfoes, e.e. defnyddiwyd data o Gyfrifiad 2011 gan na fydd data 2021 wedi ei gyhoeddi mewn pryd i fodloni'r amserlen a roddir gan Lywodraeth Cymru i gyhoeddi'r AAB Rhanbarthol. Bydd yr AAB yn cael ei ddiweddarau â'r data perthnasol fel daw'r data ar gael dros gylchred 5 mlynedd yr AAB.
- 4.4. Yr asesiad yw'r sail y dylai'r Bwrdd Partneriaeth Rhanbarthol ei defnyddio i wneud penderfyniadau i gynllunio a chomisiynu ar gyfer anghenion gofal a chymorth at y dyfodol. Mae hefyd wedi ei fwriadu i ddylanwadu ar brosesau penderfynu lleol, gan gynnwys cynlluniau gwelliant corfforaethol a datblygu strategaethau a chynlluniau.
- 4.5. Rhannwyd yr AAB Rhanbarthol i benodau thematig sy'n cynnwys:- Plant a Phobl Ifan; Pobl Hŷn; Iechyd, Anabledd Corfforol a Nam ar y Synhwyrâu; Anabledd Dysgu; Anhwylder ar y Sbectwm Awtistig; Iechyd Meddwl; a Gofalwyr Di-dâl. Yn ychwanegol, mae grwpiau eraill wedi eu cynnwys megis ffoaduriaid, cyn-filwyr y lluoedd arfog, a phobl ddigartref.
- 4.6. Y mae blaenoriaethau Sir Ddinbych wedi eu hatodi yn Atodiad 2. Cynhwysir y blaenoriaethau yn fersiwn terfynol yr AAB, ynghyd â dogfen debyg ar gyfer pob un o'r Awdurdodau Lleol a BIPBC.
- 4.7. Beth sy'n digwydd nesaf? Defnyddir yr AAB i roi gwybodaeth ar gyfer yr Adroddiad ar Sefydlogrwydd y Farchnad, sydd i fod i'w gyhoeddi ym mis Mehefin 2022. Bydd yr Adroddiad ar Sefydlogrwydd y Farchnad yn asesu sefydlogrwydd a digonolrwydd y farchnad gofal cymdeithasol yng ngoleuni'r darganfyddiadau a'r anghenion a nodir yn yr asesiad hwn.
- 4.8. Yn rhedeg yn gyfochrog â'r AAB Rhanbarthol y mae datblygiad Asesiad Lles Gogledd Cymru, a fydd yn cael ei gyhoeddi gan Fwrdd Gwasanaethau Cyhoeddus (BGC) Gogledd Cymru ym mis Mai 2022. Gwnaed cysylltiadau â'r BGC lle nodwyd tebygrwydd o ran blaenoriaethau a themâu ledled y Rhanbarth.

## **5. Sut mae'r penderfyniad yn cyfrannu at y Blaenoriaethau Corfforaethol?**

5.1. Mae'r AAB yn cefnogi'r Egwyddorion Corfforaethol canlynol:-

- Mae pawb yn cael eu cefnogi i fyw mewn cartrefi sy'n diwallu eu hanghenion;
- Mae'r Cyngor yn gweithio gyda phobl a chymunedau i gynyddu annibyniaeth a chadernid;
- Man lle bydd pobl iau am fyw a gweithio ynddo a chanddynt y sgiliau i wneud hynny.

## **6. Faint fydd hyn yn ei gostio a sut y bydd yn effeithio ar wasanaethau eraill?**

6.1. Mae Cydweithredfa Gwella Gofal Cymdeithasol a Lles Gogledd Cymru yn ariannu Rheolwr Prosiect Rhanbarthol i gefnogi'r prosiect a chostau cysylltiedig gan gynnwys cyfieithu ac ymgysylltu arbenigol.

6.2. Bydd raid ariannu comisiynu bylchau / anghenion nas diwallwyd yn y farchnad gofal cymdeithasol yn y dyfodol naill ai drwy gyllid grant neu o gyllidebau gofal cymdeithasol sydd eisoes yn bodoli.

## **7. Beth yw prif gasgliadau'r Asesiad o'r Effaith ar Les?**

7.1. Nid oes angen Asesiad o'r Effaith ar Les ar gyfer yr AAB Rhanbarthol.

## **8. Pa ymgynghoriadau sydd wedi'u cynnal gyda Chraffu ac eraill?**

8.1. Datblygwyd yr AAB Rhanbarthol drwy ymgysylltiad, gyda gwaith ymgynghori ac ymgysylltu rhanbarthol ar raddfa fawr wedi ei wneud. Ceir crynodeb o ganlyniadau'r gwaith ymgynghori ac ymgysylltu ym mhob un o'r prif benodau.

## **9. Datganiad y Prif Swyddog Cyllid**

9.1 Mae Cydweithredfa Gwella Gwasanaethau Gofal Cymdeithasol a Lles Gogledd Cymru wedi ariannu prosiect rhanbarthol sydd yn cynnwys 2 reolwr prosiect rhanbarthol i gefnogi datblygu'r asesiad o anghenion y boblogaeth. Cafodd costau cysylltiedig, megis cyfieithu ac ymgysylltu arbenigol ei ariannu gan y bartneriaeth hefyd.

- 9.2 Bu yna gost i'r awdurdodau lleol, BIPBC ac Iechyd Cyhoeddus Cymru o ran amser staff ac adnoddau i gefnogi'r prosiect. Mae hyn yn cynnwys staff i wneud gwaith ymgysylltu â'r cyhoedd, defnyddwyr gwasanaeth, staff ac aelodau etholedig a staff i gefnogi'r gwaith o ddadansoddi ac ysgrifennu'r adroddiad. Gwnaed y rhan fwyaf o'r gwaith yma ar gyfer yr asesiad o anghenion y boblogaeth rhwng mis Ebrill 2021 a mis Rhagfyr 2021.
- 9.3 Wrth symud ymlaen, bydd yr asesiad o anghenion y boblogaeth yn nodi blaenoriaethau rhanbarthol a lleol. Efallai y bydd y blaenoriaethau yma angen rhyw lefel o fuddsoddiad naill ai ar lefel ranbarthol neu lefel leol.

## **10. Pa risgiau sydd ac a oes unrhyw beth y gallwn ei wneud i'w lleihau?**

- 10.1. Nid oes unrhyw risg o gyhoeddi'r Asesiad Rhanbarthol o Anghenion y Boblogaeth.

## **11. Pŵer i wneud y penderfyniad**

- 11.1. Adran 21 Deddf Llywodraeth Leol 2000.

- 11.2. Adran 7.4.2 (b) yng Nghyfansoddiad y Cyngor.